



李相國公孫三

三

^ 16
2348
3



和
2348
8-3



東國李相國全集卷第八

古律詩

雪中訪友人不遇

雪色白於紙舉鞭書姓字莫教風掃地好待主人至

朴君玄球家賦雙鷺圖

憶昔江南天扁舟泊烟浦霜孤映清淺中有雙
白鷺靜翹綠玉脰閑刷白銀羽擬將詩句摹久
作猿吟苦眞以雖髮髯佳處殊未遇畫工真可
人到幾所未到眼活而有力聳立勇前顧肉瘦



東國集卷第八

而有品未老已避慕訖中畫聲難解作啼態度
我詩豈好事耳俱畫中趣畫難人人蓄詩可處
處布見詩如見畫亦足傳萬古

溪上偶作

竭來溪上弄清波影舞形搖幻怪多忽憶蘇郎
臨穎水鬚眉散作石東坡

訪寒溪住老覺師旅寓用參寥子詩韻

贈之

霞想雲情逸天半玉籠金鎖莫我絆平生自學
元次山欲往寒溪稱浪漫寒溪主人偶此逢聊

復軒眉一笑同禪味何妨飲餘滴談鋒更愛生
雄風相從不覺西日側十里青煙催晚色不須
更憶寒溪遊見公眼色奪溪碧

又用東坡詩韻贈之

點魚綠竹一何遲慚愧頭銜似昔時只為別來
長飽應故應相見更多姿詩教雪暈微侵鬢酒
放春紅半蘸肌我亦參禪老居士祖師林下舊
橫枝

天公玄師聞予訪覺公留飲携酒來慰

用前韻贈之

自是疎慵訪校遲，別來那有暫忘時。笑顏為我
還春色，道經文今亦世姿好句似珠跳遍年師
誰清談如雪冷，渾肌一壺芳醞歡情足。醉折名
花插數枝。

訓長老乞詩又用前韻

彈指相逢恨見遲，恰如甕裡閱圖時。木鵝卵破
方生翼，石女兒嬌更媚姿。山字肩高成冷坐，緇
畦衲短稱清肌。他年若許叅吹布，會覓飛窠訪
樹枝。

又分韻得動字贈覺公兼簡玄公

南宗老宿乃中鳳，一入寒溪金碧洞。酌泉卧石
猿鳥共空巖，唯有月迎送。浪翁窪樽應復弄，摩
挲蒼苔窺罅縫。山磨水漱洗煩冗，故應道韻轉
清聳。玄公落落繼佛隴，結茅月城三四棟。玄往
西古
寺永唱浮碧樓，高鶴可控逸。想凌霞歛飛動，走浪
春風鳴鐵甕。寒流瀉月搖銀汞，歸來作詩似泉
湧。句法清新輒驚衆，三師於予若昆仲。裴休與
黃蘗
法為相逢一笑恍如夢，故人情深別難勇。留連
劇飲何辭痛。

希禪師方丈觀碁 臨江公

夜靜紅燈香落地地頭兔勢縱橫但聞玉字響
紋枰誰饒誰勝山月漸西頷十九條中千萬態
世間興廢分明箇中一換幾人生仙柯欲爛回
首忽相驚

悼朴生兒無書夢中事 并序

林先輩椿即世幾踰二紀戊午六月二十
五日夢予友朴還古來告云林先生死墓
銘非子焉託因出木槩三寸許請其辭予
苦嫌其狹朴曰得子辭雖一字足矣遂誌
之曰林某字耆之性孤峭頗以才自負累

舉春場不捷某月日卒于家銘曰未施才
命哉傍有僧研朱書之及寤甚怪之曰林
死久朴纔乞誌是何祥乎明日朴生來予
具說夢中事朴禪指良久曰奇是夢也昨
失吾兒瘞于林椿冢側今欲請子一詩為
哭故來謁豈此徵耶予奇其夢感其事作
此詩以哭之

夢豈自無徵事或先有識憶昨夜方午睡熟部
鄂枕君來乞人銘及寤良恠甚子來告見亡淚
暈餘老臉回思夢中事莫是精神感君見方六

吟眉目得君覓何物棄之去無奈鬼橫僭預玄
童烏巨無擲孔鮒殮壽殤皆關天子幸勿為念
細君為無恙立竹真可厭葵隣林君墩雖天未
為憮

同文長老方崔秀才升圭用古人韻各
賦

蟻坑名宦奈為何一世生涯付醉歌詞格清哀
珠有淚道心虛寂井無波禪公旅寓窠依鳥園
客仙期爾作蛾綠髮相逢須痛飲他年重見髮
霜多

走筆贈威知識

名次威自天台
宗捨名八山

憶昨往拜和闍梨談空說有夕晷移是時偶見
老尊宿破衲半肩縫萬縑子豈佛隴的孫歟目
擊不言心自知挑燈相近接談笑口風吹却雪
山歌自言天台學止觀粗窮八教與五時早年
抽身名利門有如魚鳥不可囚籠池一朝勇去
青山白雲裡採松食葉聊充飢忽聞孀母嬰沉
瘵百舍重繭來洛師遑遑汲汲思療理恨不遇
金橫探方三世醫世人殊未解應笑浪奔馳顧
我赤霞衣多被紅塵緇紅塵不堪久綠蘿不可

欺振錫還山無幾日要與吾子專夕論心脾相
將握手到僑居烹蔬晚食話到雞喔呼囑子明
日復見訪出門丁寧聞此辭明朝有雨如倒河
我尚不欲孤前期撥泥踏水來叩高撫掌迎笑
欣揚眉坐客况有河秀才鐺脚相對語忘疲樽
中有酒香酷烈師雖不飲勸我頻危危夜深輟
飲開茗席明日八戶偏相窺明叢師當去我豈
獨受名韁縻若許陪杖屨且向丹崖碧嶂同栖
遲君不見遠公在匡山亦容陶陸相追隨

安和寺敦韞禪老方丈夜酌用東坡韻

十年蓮社阻從容日幾西沉水幾東援筆舊曾
題莫莫挑燈今復說空空學禪師作癯形鶴避
世吾為斷尾雄從此買山長門道不須辛苦送
韓窮

復和

一龕仙室遲誰容消息須憑李浙東浪跡如今
雲不繫回頭他日夢渾空生涯已付三杯聖意
氣都關尺劍雄得坎乘流渾是夢阮公何必哭
途窮

明日與二三子登環碧亭又閱

御室

還至別閣小酌用蘇公詩韻

三朝遊賞處唐廟毅宗仁玉立山一色盡棟擘龍蛇
重樓絢金碧如今付閑人幾蟬阮孚屐 鑿興
杳何許予古為悲慄篆石卧蒼苔雨染日炙赤
竭來窮實搜必有靈聖宅清債足可償往事何
煩詰一樽猶未傾規燬已西側佳會亦無多歸
侵晚雲黑

草堂雨中睡

綠雷雨浪撼耳似妨睡云何雨聲中徧得睡
味美晴時雖杜門駕言意未弭自此夢難酣假

窸或驚起獨是霖雨中塗路混為水雖欲訪情
親咫尺即千里門絕客敲扉庭無人響履所以
得於眠齁齁雷吼鼻此味固難言王侯那得致
王侯豈不能朝請安可施

偶吟二首有感

拙直由天賦艱難見世情社門妨客到釀酒對
妻傾茗徑少人跡松園空鳥聲田園歸計晚慚
愧晉淵明

環顧六尺身一日能幾食尚營口腹謀未去雲
山碧

呈內省諸郎并叙戊午年

某天地間一微喘也偶落女媧絀土之戲
不奈愚貧悞師匡鼎鑿壁之懃頗窮書史
自登一第已換九霜陸沉之恨劇焉途窮
之哭痛矣朝庭豈不好善臺閣豈無知音
然性本散踈加之迂闊徒自守轉脗之懶
未嘗趨炙手之炎蝸角纒生見人即縮蟬
腸自潔與物無營緘口如瘖掩顏自拙然
則雖窮且苦焉孰唁之而孰憐之耶近者
伏聞內省諸郎學士閣下視草之暇言及

人物不以為僕淺薄無取唯黃潤澤將欲
薦進於國家僕竊自以為古人所謂至公
之道廢之已久不意復行於今日矣僕既
踈懶迂闊不敢以長喙頑脣自鳴自叫而
學士諸郎特置於齒牙之間至以薦達為
心况萬萬賢於僕者哉口嘗笑而不闔舌
嘗訕而不停躍躍然若已得羨官豐祿矣
雖諸郎至公之心平似無蠅之秤而輒生
私喜之淚滴若泣鮫之盤義不可辜負禮
不可不謝是用執將斷之索汲出餘波連

已絕之絃彈生乾韻謹隨韻著成記德五
言今體詩各一首連簡繕寫奉贄于左右
既有以謝之復竊望諸郎學士勿謂前言
戲耳期以好爵縻之以終其惠而已無任
惶悚之至

上右散騎常侍閔湜

世家傳閔閔系出費侯賢蘭玉雙枝秀弟為工
蜺一氣連雲梯同坦步弟出省仙省迭相遷樹代難新
舊天分鴈後先弟出省公綽八右貂榮最劇
旁乘寵何偏五色絲縫袞三條雪八篇鑄金從

踴躍翼驚助騰騫為愛蹊成下將辭至前囊
錐容早晚紈扇豈中捐况接蔭尊華平生特淺
緣

上直門下省金迪侯

天上金精落山西鐵幹喬家承班定遠國倚霍
嫖姚白玉含中潤青松守後凋紅盤三斗膽岳
立八圍腰李廣今飛漢天驕不吠高鼉擊仙島
聳鳳入禁池翹直論驚群俊孤忠異兩朝身無
雙羨具官剩十旬超我是水鄉冷那堪陸海漂
引吭思一振何幸借扶搖

上左諫議李桂長

名家餘慶遠鳳出鳳凰巢彩筆浮紅蜃華文吐
縵蛟良金富大冶恢刁棄神庖峻級超三獨導
風鎮五交人龍凌海躍詩虎動天咆明鏡妍姪
別洪滇巨細包尚容薰倚玉那遣蕙為茅斗水
如露鮒盤珠想泣較莫教埋似劍吾豈繫如匏
已特知音幸何煩筮仕爰

上右諫議李世長

本生紈綺貴僧事製松勞星魄從天降花妖入
壁逃已傳張相印合佩呂虔刀筆洗西臺肉詩

雷老杜膏謀宜前筋畫官忽後薪高

公躡遷故云

粉

省登清地水銜落彩毫早知春有脚何恨紙生
毛歎困甘搖尾鷹飢望解條賢侯同姓李郎子
一門挑與賢嗣同携亦是平生幸寧教失意號

上中書舍人高瑩忠

家傳金鏡賜

取同姓

名在桂仙科舌下驚雷出骨

中列宿羅王介修月妙瓊尺剪雲多要職方當

戶

中書舍人謂之戶

清班已亞坡

諫議謂之坡

五花榮最好

一佛賀如何紫案擎荷橐紅泥染印窠絲綸批
密詰為藥播新歌温室那言樹金鑿早脫靴行

調殷后鼎曾取蔡公禾願記荆山下窮年泣玉
和

上起居郎尹威

關令玄風遠仙孫逸志嘉初無絀組戀甘向水
雲賒公初為碧松居士愛吸青松露貪眠碧岫霞珠光
難自隱金韻不終遐羽翼乘風便文章耀國華
關公名在月太白筆生花事歷肱三折才凌手
八义直言頻覆錦公望合專車鷄角言爭解龜
文貴可誇水清門下客多喜得通家

上左司諫金冲

一千年且暮九萬里翱翔鵠鑰開璇鑠龍池對
玉皇籍通三尺竹恩降五時裳價壓青錢選詞
清綠藥章孤忠橫鐵棟逸氣迅風檣山仰心雖
切雲從路莫當攀嵇如可許薦補亦何妨潔已
而求進宣尼與互鄉

上右正言崔光遇

落落風姿秀昂巖海鶴精得時伸伎癢驚俗動
詩名漢節扶龍起上在藩邸公為典義高天捧
日行緣昇鳥府凜旋八鳳池清五字施偏巧三
多學早成身為天子舊官是士林榮一尺詞頭

下千鈞筆力勦鱗攀曾有素栢悅豈無情阻接
縷縷好那堪眷眷傾不須煩自鬻輕重在懸衡
普光堂頭精通師蓄藜杖甚奇請予賦
之

老藜葉紺生植植中有一條脩且直千年土肉
封硬根深秘虬鬚攢似棘吾師好事蓄意多斫
為寶杖扶脚力喙長頸瘦尾細尖宛如欲走銀
蛇色二十二節珠累累中路鬼神求不得大行
化作砥路平更覺身輕如傳翼藤頑竹悍何足
珍獨此便安師所嗇問師割爾贈吾無我亦年

東萊病劇

是日飲闌小息唯三四人相對飲茶而
已及夜半坐久體煩睡暈著眼師出金
橘木瓜红柿餉予坐客未及一嚼不覺
眠魔之頓去也俄而喚沙彌沙彌鼻鼾
不應師笑入房中手挈羹酒一壺坐客
皆盧胡大笑於是小酌數四盃漸引靜
中之樂噫平生適意之遊恐他日不復
得也目著一篇以記一宵之事爾

二紀落浮遊塵土日滿腸一聞清夜話已覺渾

身霜何況滿盤菓一一餘仙香奇哉洞庭橘玉
腦流寒漿我是李衡後此味宜我嘗霜柿肌肉
脆殷赤眩目光愛此頰虬卵不入金烏場木瓜
紅半頰片片落銛銛投何以報愧無瓊玖將
餘寒在牙齒似入冰雪鄉適意一宵樂平生安
敢忘

又寄題白蓮社石臺

師結白蓮社於功
德山前有石臺

羨君曾結白蓮莊自說溪山甲四方果熟空園
猿活計松深幽谷鶴家鄉天開古壁千尋直龍
吐靈泉一派長師言往前有泉四齋罷登臺嘗
時不渴世傳有龍

燕坐一塵那得汚水腸

明日朴還古有詩走筆和之

乾坤一箇身出岫無心雲師傳甘蔗氏我繼仙
李君釋老本一鴉鳧乙何須分何況結蓮社惠
遠遺風存吾將作宗炳叩鍵間未聞鶴情殊皎
皎霞想復軒軒尚無吹劍映那有注金昏陶眉
不許擯日日開清樽妙道資自擊清談洗心煩
尸寢方再斲扶桑放紅暎

景福寺路上作

一路脩脩繞碧山觸松紗帽挂梢端渴窺深井

難杯飲行遇幽花試折看

蜻蜒點過清溝上
蜚蟻遮巖碧草中山路何須
僧導去磬聲敲處認鴛宮

授李吏部

我李羅天下賢侯表隴西素襟清映雪長燭效

橫霓修月無雙手登雲第幾梯佩龜青驥綬批

鳳紫濡泥公為知制誥故云雅望宜莖要洪權管品題

下推鎔巨闕剖石覓懸黎天地癯儒在風波宦

海迷久為居轍鮒動作觸藩羶早折姮娥桂期

燃太一藜詩毫頻禿兔書卷費編犀學或常熊

膽癭難數馬蹄窮途翻失道短翻未安棲鼻待

揮斤斲聲悲抱璞啼方輪那解轉貝錦謾逢萋

織屨憐慈母宦壚愧老妻憶曾單闕歲叨向孔

門躋公於宅中每集冠童教後子以時亦預之坐席間函文依陰下

作蹊祝頰成裸羸覆始發醢雞學績堪方渙聞

詔不必齊息深雖刻骨信斷忽無輒未禮何曾

檢中心不是勢憑公一篇補記我昔攀嵇

題通師古笛 并序

普光堂頭通師蓄古笛甚奇自言得之於

功德山白蓮社承座上使人吹之清越可

愛功德山是元曉義相二公所棲之地也
義相所遺筓子至今尚存然則此筓亦焉
知非當時之遺物歟師請詩為賦之

青山捧天王一朶曉相二公曾燕坐當時說法
動人天應有仙樂飄空下笙簧忽散返玉樓偶
遺寶篋誤不似千年鬼護秘扇鑰神物自隱人
難搜吾師眼聖獨見之信手摩挲心自竒靈珠
本為異人出古器那宜今世知外費天巧非人
鑄中含龍吟豈俗傳南植謾誇雲夢竹蔡邕空
識柯亭椽據床三弄清裂石長風挽落猶滴滴

一巖若作師子吼堪笑禪家無孔笛

飲通師所寓崇教寺方丈會者十餘人
及酒酣琴瑟交作倡戲并呈時有御前
大藏師隨喜成予舊習津湧使坐客唱
韻走筆一人例唱四韻無自押傍韻

斗城南角蒼巖根金龍鐵鳳飛凌雲初未落日
半西軒叫鶴呼鷗空自聞主人接遇一何勤匡
山遠老引陶君笑談足使水叟温十月天氣為
春醺地爐試近榻拙火駱駝高坐空閑話醉中
風味莫如我坐客啁啾知者寡我言人生若電

過富貴榮華花易謝少年一去又可奈要須酌
酌飛羽學君看七貴與五侯數窮未免九原遊
假令去者或更留萬歲千年如一秋古今人事
秋雲浮白日西浸水東流人間迫東南冠囚飛
鳥在籠魚在釣我言未終客起舞有如風前摧
玉樹直把朱絃信手撫細聲切切如私語多生
緣重各相遇又恐明朝散如雨東方曼倩今已
逝淳于先生又何處二君繼出伎倆多相將握
手來僧家吾師大度如江河許容爾輩同其波
我今賦命恨蹉跎借汝戲謔聊酣歌平生歡笑

莫此過東方欲曙奈樂何

訪巖禪老用壁上書簇詩韻二首

笑却東華一餉榮獨披馳褐訪南能靜中得白
堪呈佛欲寫時呵玉硯冰

石鼎烹茶代酒危擁爐圍坐熨寒衣香畦縈穗
青桐直插腦分漿玉露飛

同文長老韓韶訪崔秀才宗藩書室

偶作龍三友同尋鳳一毛

崔乃令相國託季子

霽光浮陌

樹芳意著園挑城市猶堪隱空虛不必逸縹堆
齊架帙朱染注經毫愛客頻投轄題詩剽奪袍

暫乘浮白興為輟汗青勞交愛心雙照醺添氣
大豪相逢須劇飲風味屬吾曹

暮春同崔博士甫淳訪尹注簿世儒置

酒用東坡詩韻各賦

對酌三盃酒難窺數仞墻落花詩思亂殘日醉
歌長我鬢初抽綠君名早飲香相逢文字飲何
必羨伊涼

復和

綠樽傾北海紅臉憶東墻日月衰容換乾坤舞
袖長室蘭曾襲鼻佩蕙各紉香賴有清風榻披

襟快納涼

又贈尹公

蔡門初倒屣關里孰麾墻
筆海怒濤迅醉鄉歸路長
鶻黃空酌酒雞舌早含香
何日同簪管賡吟殿閣涼

感興

有舌不可掉有眼不可泣誰能測予懷竟日空
悒悒豈為我身寒藍縷憂難緝豈為我腹空蔬
食憂不給所憂意殊深疊足仰天立仰天益自
傷北斗不可挹何容印累累何人冠岌岌梁鷗

味不濡穴鳳羽長戢檻并不早嚴豺虎滿州邑
賈誼流涕二鄭公論漸十慷慨二子心合者知
誰襲嗚呼難重陳兒小言骨骨

代陳同年湜和舍弟澤隨父之東京憶

兄見寄二首

寄語郎君早早歸欲師鄒郢世同居憐渠獨扇
蚊飛托恨我難憑犬寄書莫效胡威空問絹已
聞羊續久懸魚錦囊詩草三千首多是花前醉
興餘

二年相憶苦難歸身寄幽蝸殼底居吏散獨陪

棠樹菱客來應向練裙書

隨父在任
故用此事

橫經漂麥

思高鳳問禮趨庭想伯魚要識來期行漸迫兩
條黃色上眉餘

題璨首座方丈

雙眉無處展一笑為誰開日欲三竿上房尋十
笏來釵頭頻落地品字漸成灰山室茶談足何
須索酒盃

又賦木如意占字

僧家無長物獨此最堪觀玄鶴頭方側蒼蛇尾
半蟠頤項等身木安穩護肩山莫使季倫見珊

珊瑚樹不完

六月十七日訪金先達轍用白公詩韻
賦之

羨君猶少年蕭洒臨風樹嗟我漸素秋衰髮稀
可數相逢笑彈指二紀真電露昔年交遊輩雲
散各何處唯殘二人在顏色坐成故共遊京洛
中風塵化衣素三旬密雨天萬木蒼烟暮此時
訪君來何忍辭君去借君醉鄉留忘我儒冠誤
慎莫談世緣俱是孟門路

金君乞賦所飲綠甕盃用白公詩韻同

賦

落木童南山放火焰蔽日陶出綠甕盃揀選十
取一瑩然碧玉光幾被青煤沒玲瓏肖水精堅
硬敵山骨迺知埏埴功似借天工術微微點花
紋妙逼丹青筆鏗然入我手快若羽觴疾不羨
杼公銀羽化一朝失清宜蓄詩家巧或如尤物
主人有羨酒為爾頻呼出莫辭三四巡使我醉
兀兀

初秋又與文長老訪金轍用白公詩韻
各賦早秋詩

銀箭初驚漏漸遲
撐林朱實燦離維
輕絳寵薄身先認
團扇恩疎手始知
碧樹露寒蟬嗜曉
盡梁泥盡鶯歸時
要看詞客偏多感
宋玉悲辭吏部詩

又贈金君

珍重金君愛客心
見來長共酒盃深
霜秋少睡先鷄起
露曉多情伴鶴吟
俊拔子應三耳湧
襄遲我已二毛侵
相逢話舊翻悽悵
批盡青燈淚濕襟

又用白公韻賦文長老草履

君從江南來山水
千萬曲何人餉草履
促密唐朱杜維織芒履行惹楚花香
踏遍秦草促密環繞直人綠織巧桃椎
笠折非靈運木屨物
那忍遺護足度溪谷
下邳行可封已使草華
伏遠遊當借君副之以杖竹

次韻聆首座寄林工部 并序

予昨詣方丈師偶言曰禮山香川寺是吾之舊居也為賊兵所歷顏淚已久故人林工部巡按此郡俾郡宰陳君具材營葺予以詩謝之子亦可賡和耶目出其詩示之

即和成一首奉呈

吾師釋中老於世真為洲周回在巨海高顯無

在緣自從得際斷萬事徒悠悠大般若曰善現

與世間作洲渚故發趣無上正等佛言此如巨

海大小河中高顯可居周回水斷是各洲渚如

是善現色前後際斷一切法斷孤高青霞想躡

正等占此前後際斷一切法斷躡支許儔天子為邀致一別煙林幽流水戀舊

浦白雲思古丘雖蒙賜袍寵身若生瘡疣又賦

人世隘譬如跡屬因愛山似麋鹿捉月非猢猻

香川是舊居雲水好在不悵望數間屋推頽半

巖頭自言且暮去無厚山之羞夢先身獨往萬

里隨輕颺不是不勇歸閱世故應留幽徑久蕪

沒來訪無羊求廢井桐圭滿荒階苔錦稠或恐

樵蘇輩刈松落蒼虬又惜林下泉盡屬野民喉

經室鞠為園旅草生油油溪茗人不採阻入紫

花甌問師何苦慙未展雪眉脩比之烏棲處此

若由籠抽比之魚遊處此可免舍鈎簿雲鋪魯

縞恠石列荆璆何以充爨以新枯楠大蔽牛至今

猶在耳鳴鶴與鳴鳩塵侵墨蜂髮最是師心憂

師造無量壽如來送安是寺故每欲起殿宇

師詩常憂野馬集翳損青蓮時場基剛縹緜臨水亞綠戶架巖聳丹樓中成佛

龕室彩棟蛟龍鏤耽耽極壯麗堯率牛頭俾此
意久未就林泉為之愁林公古丈夫智秘龜六
眸公餘遊古寺萬景赴冥搜吐唾構飛閣翔翮
得自由想像殿壁間天人列弓矛自昔浮屠者
成物由邦侯吾聞頭陀寺楚都信為樞室就孔
江夏堂成蔡邕州是助宗法師結構留千秋層
軒丹刻煥深殿睟容柔頭陀寺碑云層軒延袁
又云丹刻翠飛睟容已
安又聞章留後偶向廢寺遊世尊亦塵埃古殿
空颯颯寺僧遇使君告訴不自任章公顧兵徒
棟宇俾營修杜甫同章留後遊山寺詩曰雖有
古殿存世尊亦塵埃使君騎紫馬

奉擁從西來山僧衣藍纓告訴棟架書傳名煥
推公為顧兵徒吐嗟檀栴開云云煥千載尚鬱依此輩復不見此事復誰忖唯師
與林公名與古人優我亦不檢東牽憲無五楸
誓將陪瓶錫同為香火謀

東國李相國全集卷第八

東國李相國全集卷第九

古律詩

閔常侍令賦雙馬圖

皎綃勻滑雪色平粉墨丹鉛繪彩明
騶蒼二馬神且竒飛至勒一帝行君不見穆滿馭八駿凌雲躡影一日直過萬里程
又不見伯樂未過虞坂時驥服蓋車兩耳垂今者此二馬同是虬與螭一馬飛去可以朝燕暮秣越夸父荷杖應難追
翠衽鞞帶紫髯翁銀鞍赫赫黃金羈跨塵奔逸電滅沒王良造父徒爾為一馬局促自効轄下駒俯

首低初莫縱馳逐日霜蹄何處展追風逸氣無由
施布祀童子幸且去傍睽碧草行何遲畫工畫
此豈無謂中有妙意人誰知不唯賤畜乃尚爾
男兒窮達一如斯用之騰躍九天衢不用或自
沉泥途是亦逢時與否身若予者分甘伏櫪無
長吁下車剪拂會有人時哉未來命矣夫

依韻和宋少卿緝光陪趙相國飲

城北幽人林泉

瀟灑幽人居一穗泉泓落貪搜地仙慳靜脫天
械縛丞相日來遊畫屏軒騎錯俛仰思天台聞

昔晉孫綽何如名教中亦有山水樂不待洗耳
穎似出化衣浴樂哉池上遊萬事渾忘却唯有
捐頭鶯一聲破寂寞謝妓花長春孔樽海不涸
宋公第一人逸想霞飄泊開弄麒麟筆快送鷗
鷺杓妙語出自然天質謝彤騰落日醉如泥清
風卷珠箔豈比蓋寬饒但導毋多酌起舞為公
壽願公壽如鶴平生憂國深是日獨歡譁

次韻趙亞卿冲見和

亞卿趙相國李嗣

別來今幾日曆草再榮落思之不能飛鬱爾甘
自縛鄙吝漸萌芽心神斗煩錯瓊樹無由攀似

想姑射綽荀幸後塵從不博南面樂君家禪雕
龍二陸名動洛温温白眉良愛日寒可却憐我
老章玄環堵守寂寞相見輒牽挽聊慰文園涸
憶昨陪清歡窮日見淹泊為投留容轄屢役指
人初冥搜赤水珠幽討青丘獲竹色綠環階月
華清漏箔得意各相忘遣懷聊淺酌多公似羊
公愛我如愛鶴呼來肯齷齪滿坐皆笑謔
我村如魏瓠拐愁憂獲落口慙金人絨學昧石
室縛儒冠二十年一跌萬事錯紛華黜子夏清淨師
公綽豈識鵬天遊甘守蛙井樂浪思張翰吳未出賈

謹浴行箴難自謀屢卜龜厭却世味漸闌珊宦
情何索寞沐公清水池困魚免焦涸託公高樹
枝窮鳥知極泊我願學陽城道上設甌酌時乞郡於相國
云故何曾效江淹愧碧亦慙獲本是冰鄉孫蓬門
不施箔清節那一發貪泉寧百酌欲奉壽山書
東峯待金鶴此語勿輕傳恐落儕輩譴

次韻天壽寺鍾義禪師以詩見招
不見禪英月五周忽聞佳喚駕言遊寒驢未解
歸心迫每到長川俯飲流

彈鋏歌

食無魚食無魚彈缺哀歌聲激激秋菘秋菘粗
充腸多骨細條猶未得深江豈無魴與鯉玉尺
銀刀亂跳擲所嗟不必慕腥膾但恨無堦參肉
食食無魚緣未求嗟哉嗟哉釣又直彈劍之歌
且可停世無益嘗誰復識

次韻江南友人見寄

流景環迴幾小還舊遊渾似夢魂閒愁鬢
方黏雪詩骨嶮嶮漸聳山岫為窓闌呈遠碧苔
因門杜長新斑無官尚爾歸田晚未死何時得
暫閑

高尚書宅賦怒猿

猿公有何喚人立向我嗥爾思已峽月獸絆朱
門高我戀碧山隱浪受紅塵勞我與爾同病胡
為厲聲咆

己未五月日知奏事崔公宅

後為晉康公

千葉榴花盛開世所罕見特喚李
內翰仁老金內翰克己李留院湛
之咸司直溥及予占韻命賦云

玉顏初被酒紅暈十分侵葩複鍾天巧姿嬌挑
客尋羹香晴引蝶散火夜驚禽惜豔教開晚誰

知造物心自况子
晚達

謝知奏事相公見喚命賦千葉榴
花并序

羨景良辰多致桂林之仙伯重樓傑
閣兼容冰谷之寒孫况若夢中喜生
望表恭惟其官虹盤烈膽玉立神姿
曾傾東海自然為激濁之波雖禿南
山何足作書功之竹小和嶠專車之
貴闢崔琳列戟之門桃李成蹊芙蓉
泛水論兵帳下無非黑槩將軍奕翰

堂中盡是青錢學士屬熏風之戒夏
岸踈幘以納涼于時濃綠成陰紛紅
如掃有千葉榴花之豔闔九光珠箔
之明點細的於丹鬚映紅襟於綠簾
吳王殿上西施飲卯酒三杯漢帝宮
中韓壽挾名香一顆物不虛出時然
後生尚卑潘氏之千房安數臨沅之六
寶穠華可惜愛翫未窮而謂曰攜雲鬢玉
顏以同看難償秀色待錦章繡句之能狀
粗稱芳心遽馳折簡之書旋集能詩之

士如某者無大白吟芍藥之麗藻謝廣
平賦梅花之婉詞顧有何才亦忝茲選
始揚眉而迴眄即給札以命文有人先談
雖幸容蟠木之朽遣吏輒報終未道
落霞之飛過蒙華袞之褒免被督誦
之覆笙歌競沸羅綺交熏特張折俎之
筵俾潤生塵之筆飲若九仙之館乍酌
瓊漿榮踰百越之人暫加章甫始識
為儒之貴更鞭稽古之心妻孥改觀
朋友相賀揚身路近望三千里之鵬飛

祝壽情深期六萬年之鼇代云云

百寶珠簾玳押新輕風微拂不生塵誰知畫戟
森嚴地却喚裋衣冷瘦身香炷濃熏噴玉穗酒
波潄動皺金鱗園中綠樹渾生子庭畔紅榴始
吐脣塵世那知千葉貴天工留作一番春露葩
半沁粧痕濕日萼深燃醉暈勻偷眼謾憐花解
笑搜腸空恨筆無神自稱中聖狂徐邈誤許能
詩短李紳半日暫叨堂上客一生應詫世間人
重恩欲報良無計但祝千年壽等椿

將赴全州幕府李中敏見贈次韻

答之在王禪師方文作

別離無幾日誰與放狂吟莫被霜欺鬢雀將月
照心煙江鎔碧玉露菊沸黃金相憶是何處萬
山深復深

劉同年冲祺見和次韻答之

子語重金玉臨行吟復吟君詩誦酒大山寧倒
地壯士不移心綠蟻浮連海青蛾笑直金此時
斟我意訓誠不須深

九月十三日發長安將赴全州臨津
江船上與晉公度韓韶相別

遠浦烟拖素澄灣日浴金三人揮別淚斗覺海
波深

九月二十三日入全州馬上書懷

北堂揮涕忍辭親輦母之官愧古人母以病不忽
見完山青一點始知真箇異鄉身

謝按部李少卿儼許赴華筵明日
以鹿髓見惠

蓮幕森嚴忝作賓歸來不似世間人更分香滑
千金藥與護衰遲六尺身輕破筋端瓊屑散暖
消杯底玉膏勻欲知一倍精神壯官妓渾為媚

眼春

以戲于無心
於花柳故云

十一月二十日出宿屬郡馬靈客舍
重臺堂頭攜酒來訪以詩贈之

蕭條古縣枕山根
只對村肴貌似猿
一見暫開詩酒會
清談聊洗簿書昏
寒雲冉冉侵松檻
乾雪騷騷響竹軒
飲罷共嘗蒙頂綠
蒲團箕坐旋忘言

十二月日因斫木初指扶寧郡邊

山馬上作二首

權在擁軍榮可詫
官呼斫木辱堪知
呼為斫木使於云

邊山自古稱天府
好棟長材備棟棟

一聲鼓角鳥驚飛
病樹寒威裂厚衣
駐蓋鴈川

觀雪漲卸鞍犬浦待潮歸

是日訪金洞寺堂頭枯師

踏泥行觸道途艱
日浸殘紅界遠山
乘駟飛裝
雖似迫尋僧高趣
乍如閑飢猿撥雪寒
彌叫獨
鶴穿雲晚自還
賴有故人精舍在
相逢一笑暫開顏

明日臨行用過客所留詩韻贈之

一樽相對酌松醪
繾綣論情淚灑袍
冰筋下垂

簷雷直雪花平合瓦溝高詩肩向曉成馳背病
鬢侵寒豎蝟毛昨夜睡鄉閑氣味倍償顛倒簿
書勞

扶寧客舍次板上李祭酒純佑詩
韻

江山清勝敵瀛蓬立玉鎔銀萬古同俗習例多
如蟹子縣封誰信自蠶叢避風羸僕投巖下厭
雪飢禽落檻中只是年來情味薄元非不愛眼
前紅

題全州孝子里立石

立石標孝子不曾鐫姓氏不知何代人孝行復
何似伊昔魯曾參不入勝母里脫令見此石絕
欲卜隣寄

莫道為州樂四首

莫道為州樂為州乃又憂公庭喧似市訟牒委
如丘忍課殘村稅愁看滿獄囚也無開口笑况
祭事遨遊

莫道為州樂為州憂轉新怒顏訶郡吏曲膝拜
王人屬郡行春慣靈祠乞雨頻片時閑未得何
計暫抽身

莫道為州樂為州憂轉稠身無尺帛駁囊欠一錢留妻惠頻難解兒飢哭不休三年如未去白髮欲渾頭

憂深何以遣些少宴遊晨盞竿生青暈琴箏罷素塵江山應蓄怨花柳若為春不是風情薄官箴大逼人

戲呈太守

石濟舊邦稱勝地二天仁政屬賢侯訟庭無事棠陰靜公退何妨載酒遊

正月十九日復到扶寧郡有作

蒲空飛雪落紛紛弓劍相磨貔虎羣來往八千餘步地全州指麾扶四十六州軍曉寒虛閣生清籟夕霽長天卷駁雲門外幾人皆墮指愧予猶揀綺羅薰

邊山路上作

旌旗先客路鼓角壯人心野鼠跳巖竹山麕走覓林

二月日饒太守政滿朝天夜宿永寧寺

遠餞朝天客閑尋結草僧春寒殘雪在日暮凍

雲凝古壁苔纏錦
虛極月耿燈
參軍乘暇日
卧任髮鬢鬢

朗山縣監倉後有作

白花飛駱勝龍驤
行盡山邊一路長
郡吏來迎如老狃
村民走避似驚麀
千困已馱觀紅腐
一竿何妨酌碧香
可愧昔年閑放客
參軍掌記又監倉
奉宣旨省屬郡
究獄紫殿溫言
惡活人
黃沙喜氣散為春
此行盡放籠中鳥
遣作東西自在身

全州客舍夜宿書福懷

一般男子有枯榮
堆阜撐霄意未平
盡日營中猶曲膝
五更窓外自呼名
狂言屢發眉堪灸
補憤難消瘦欲生
百計覓瘵難屈處
寸心長共水爭清

詠所居舍後竹筍

吏散庭空一事無
閒窓獨坐興誰娛
此君當戶攜兒推
正似任棠勸恤孤

庚申五月奉賀 赦表朝天過馬

參禮驛有作

玉函封了蠅頭表
綺席聞吹鳳尾笙
詠前日宿驛

昏昏馬頭睡溪山十里夢中行

此去長安二十郵自此郵至九千草平沙軟路悠悠天

門欲賀金雞赦已覺眉頭喜氣浮

莫言作郡身如繫已喜賓天路不遙何羨神仙

王勣令雙鳧飛向漢宮朝

六月日早發長安指全州中路遇尚

州持表先生同至楊材驛共宿贈之

共乘飛傳指天涯笑晤聊寬客裏悲雨滴油衣

元末著風飄紗帽不勝敬孤村淡淡人煙起一路

依依驛柳垂綠酒三杯君莫讓聖恩猶及旅

行時

詠懷

江南後宦愧徒勞俸薄時時典舊袍阻向中天

瞻日月厭看平地涵波濤何時撲滅心中火同席

潛磨笑裏刃指通不待任棠來置薤奮鬚直欲拔

強豪

將向南原葵樹驛樓上次壁上詩

韻

烏園侵午出葵樹片時留閑鹿眠深草幽禽浴

淺溝山供詩目畫風送一襟秋再入帶方國南原古帶方國

天教飽勝遊

自南原到源水寺一宿還指南原
八印月驛次壁上詩韻

宿雨初晴草色新高原隰錯龍鱗豈愁一萬五
千步早是東西南北人楊柳不詞迎送慣江山
應在往來類眼前風景動須記他日迴頭跡旋陳

六月八日鷲谷驛遇劉天院冲棋
小酌用小畜詩韻各賦

萬里天涯意外逢夕陽煙岫碧千重才雄獨作
人中鳳緣厚曾攀榜上龍傷錦拙能慙郡崇燃

藜大手賀儒宗取同姓殷勤更乞尋溪寺何惜齊鑣
過一峯

復和

多幸江南偶一逢破衫縫處更期重奇巖當檻
蹲頑豹逆筭穿簷走稚龍五斗解醒聞乃祖三
椀通道出吾宗好尋金洞期同醉莫憶巫山十
二峯君杜向羅州故云

贈任實郡宰

珍重先生政似神一方歌頌腐民胥年豐野蘆
嘉禾合訟息公庭碧草新莫憶銅龍曾接虎自來宮符

學出宰不妨銀兔暫纏身
完山幕客誠無狀
腥臭空慙鱖善隣

渡赤城江

一葉輕舟載醉翁
夕陽行色畫屏中
平生聞說花山好
空望烟鬟點碧空

花山最奇絕字以日暮來到

自淳昌郡向全州
入葛覃驛用板上

諸公韻

夕陽歸旆樹陰中
南道山川一樣同
垂柳惱人隨處綠
幽花無主為誰紅
鄙亭閑過經由客
野性誰如放曠翁
不作匆忙乘傳態
解衣閑卧一

軒風

寓居天龍寺有作

全家來寄碧山傍
矮帽輕衫卧一床
肺渴更知村酒好
睡昏聊喜野茶香
竹根迸地龍腰曲
蕉葉當窻鳳尾長
三伏早休民訟少
不妨時復事空三

自貽雜言八首

紫陌醉遊渾似夢
青山歸計亦違心
誰教俯首訖衙勤
簿領堆高力不在
大守抱痾長在做
戴車多懶亦稀衙
唯同一箇

拙拙椽敲榜中間費歲華

黑石川邊堪避暑開元樓上可吟詩只緣官事

來侵軼十日猶難倒一危

理無善狀皆推去政謝前賢孰借留昨日今朝

連罰效但言書記勿風流

紅旗如火馬如虬獵得南山白額侯

聞有南山大虎類此
言人子率軍擒之

莫道書生無膽氣鋸牙刁齒落吾謀

化邑由來貴清淨故看吾祖五千文一篇讀了

心虛寂反欲休官入白雲

身非羅刹與閻王日閱累囚謾斷腸笙笛慣聞

猶或厭况聽楚毒可無傷

道直無人不作讎初心不意數旬留今年又見

秋強半笑我翻成統指柔

八月二十日題楞迦山元曉房并序

邊山一名楞迦昔元曉所居方丈至今

猶存有一老比丘獨居修真無侍者無

鼎鑪炊爨之具日於蘇來寺趁一齋

而已

循山度危梯疊足行線路上有百仞巔曉聖曾
結宇靈蹤杳何處遺影留鵝素茶泉貯寒玉酌

飲味如乳此地舊無水釋子難極住曉公一來
寄甘液湧巖竇吾師繼高躄短葛此來寓環顧
八尺房唯有一雙屨亦無侍居者獨坐度朝暮
小性曉師俗号
小性居士復生世敢不泮僂偃

次板上資玄居士韻二首

楞迦山迥秀百舍試來尋二聖影留室元曉真表
杜邑聖人千
年煙鏤林身雲雖不任性月本無沉蓮舍容吾
否空門宿習深

勝事開來久神蹤杳莫尋幽巖飢出壁獨鶴倦
投林塔影侵陰斷鍾聲度遠沉何當解墨綬聊

此結茅深

又題不思議方丈并序

不思議房者昔真表律師寓居修真
而慈氏地藏顯身授戒之所也有木
梯高可百尺緣梯而下乃得至於方
丈其下則皆不測之壑也以鐵索引
其屋釘之於巖俗傳海龍之所為也
虹直豎危梯脚底長迴身直下萬尋強至人已化
今無跡古屋誰扶尚不僵丈六定從何處現大
千猶可箇中藏完山吏隱忘機客洗手來林火一

辨香

次韻高先生抗中獻廉察尹司業

威并序

昨承廉按學士垂示高先生所進長
篇仍命賡和未及構思復承指麾到
臨陂郡因雨留客館始得和成一首

奉呈行軒云

年少曾輕薄佯狂遂至今公卿誰躡履貴余
或攘襟落魄從人笑窮通信命謀冰清門始闢
正立筭交森子於公之舅公柳公門下進士謬接瓊筵密頻承玉醴

斟及公登藥省稱我遍詞林

公在省與諸卿上劉子巖之

富貴堪羈

致功名謂逐擒越人榮王冕嫖母入鴛衾許啖
牛心炙容趨鶴蓋陰幸今叨外寄贏得免平沉
理邑那興頌居官但守箴尋常親事碎何餘務
書滌恤獄情頻測摧強力不任家鄉思杳杳歲
月送駸駸多幸彤霄使時巡碧海得英名才八
斗貴相腹三壬一見清姿凜方流燥肺燭蓮依
玉儉府絃續白牙琴似對三冬翠如開十日霖昨
投江郡僻獨倚客軒吟雲未驚寒鴈林間叫雪
禽縣胥傳喜語使旆度前岑街平鳴鐘鼓厨人

澆盞釐竚瞻行色至忽及晚光侵是句髯潭斷
含毫咏盡黔幽懷空悒悒獨坐靜情悟地狹將
誰語情深反似瘖感時頻脉脉懷舊忽暗阻
側綺羅席想聞金王音何時逢勝景竟日對華
簪夏玉箏聲咽傾河盞底深有山皆共賞無水
不同臨染翰搗華藻挑燈話舊心若觀高老宅
許我共遊尋

高生在汝溝縣寒窘無家公以故人
之意使其郡構宅宅成欲親往觀之

走筆賀高先生宅成無叙廉察命
構之意

今世人情秋水薄朝為兄弟暮行人窮相列頭

選即棄始末誰肯思情親尹公獨是古君子與
君為友如雷陳公是一方星使貴君為窮谷巢
居倫人間榮悴雖異勢心似金石無淄磷念君
窮如在轍鮒憐君窘若失林鶩命開新宇嗚嗟
就飛軒翼翼瓦鱗鱗十月天寒雪盈尺南窓負
日暖於春渾家歡笑有生意祝公眉壽倒靈椿
父老鸞集賀成履槌羊搗鼓動四隣我本不欲
蓋人善一聞此事淚沾巾會待雍兒頭浮綠蟻幅
巾往作外堂賓一篇長句書異事異日當付修
史臣

還琴詩贈崔巨龍

書生不合學伶官拙政那期單父彈暫借旋還
綠底事無人傾耳聽高山

橘盞

摘自霜林色尚新譬為金盞爛堪珍老翁雖失
商山樂我輩欣斟若下春

自古阜夜八金溝縣書壁上

凌晨離古阜侵夜八金溝貪吏猶逃鼠愚民似
沐猴月華清可掬嵐色遠如流鳧舄歸何處蛾
眉獨笑留時縣令不在

戲金懷英

懷英子故人也自京師來訪予居數
日而將行吾固留之不可因喚伴寫綠
雲鬟然後笑留之予戲為二絕贈之

留君無計別君難故向青樓喚綠鬟異日長安
一場笑玉顏才笑解歸鞍

憐君情調笑君愚留為紅粧不為吾請問群花
誰管領主人未顧亦攀無
東國李相國全集卷第九

東國李相國全集卷第十

古律詩

二月復指扶寧郡馬上讀小畜詩用
茶園詩韻記所見

分憂無暇日乘駟走平原是處花迷路誰家竹
鐔園籐纏扶倒蔓槐仆露孤根逸駕如鞭鶴輕
裝可趁猿湖天春霧暗蠻店瘴雲溫苔活添新
暈潮狂過舊痕入村逢鷺社望海問鼇番古堰
晨開闢空城晝掩門郡胥迎導路邑宰出開樽
役役皆王事陶亦 聖恩沙邊鷗獨舞林表

鳥能言父老休驚避書生不自尊

題浦口小村

流水聲中暮復朝海村籬落苦蕭條湖清巧印
當心月浦闊貪吞入口潮古石浪卷平作礪壞
缸苔沒卧成橋江山萬景吟難狀須倩丹青畫
筆描

萬頃縣路上

長川界斷橫耒燒深谷留蹄怒暢風嵐瘴熏人
辦何事無端釀作老蒼翁

舟入臨陂郡

古縣依然接水湄前驅紅旆拂林歸往耒唯有
鷺相識衰病那堪馬似飛客舍新除垂柳路人
家半掩映花扉叅軍孤瘦難堪見士女何須聚
作圍

二月又到保安縣江上課木

一春三過此江頭王事何曾惡未休萬里壯濤奔
白馬千年老木卧蒼虬海風吹落蠻村笛沙月
未迎浦客舟擁去駟童應怪我每逢佳景立
遲留

戲題法師津

淵源未靜多渾濁風浪頻興似怒瞋畢竟難看
心湛處何人呼作法師津

大浦偶吟

無端馬上換星霜望闕思家倍感傷紅日落時
天杳杳白雲缺處水蒼蒼雨晴草色連空綠風
暖梅花度嶺香薄宦江淮良悒悒春光何況攬
離腸

江上晚望

日暮江雲鎖不開漁翁次火釣魚臺海風吹送
飄空焰四月涿螢點點來

汝野縣客舍次韻板上蔡學士寶文
梨花詩

初疑枝上雪黏華為有清香認是花關却寒梅
瓊臉潔笑他穠杏錦趺奢飛未易見穿青樹落
去難知混白沙皓腕佳人披練袂微笑惱
情多

偶書

河東毀譽日紛紛過耳飛蚊不足聞理劇本非
吾輩事舉杯自号醉參軍

讀本草

政拙心勞病切肌世間萬事折肱知二毛作郡終
無用欲讀方經作老醫

十月八日遊景福寺明日訪飛來方

丈始謁普德聖人真容板上有宗
聆首座李內翰仁老所題詩堂頭
老宿乞詩依韻書于末云

忽憶山中胡眼碧暫輟簿書研墨赤身先飛鳥
躍半空臂共騰猿攀絕壁幅巾長嘯到寺門又
與蝙蝠爭黃昏天明扣鍵飛來堂至人已化雲無
痕吾聞普德信至人一卧盤龍幾許春

初居高句麗盤
龍山延禧寺

嗒然隱几如喪耦唯與十一門人親

初有十弟子後
得明德為十一

至人

變化真有餘擬將一室飛空虛自言吾生信過客

視世尚欲如蓬廬此地何須著我房達人知幾

猶履霜

普德謂弟子明德曰高句麗唯尊道教不信佛法不滅亡安
身避難有何處所弟子曰新羅完山有高連山安住不動之處

普德聽之動作過夜至曉聞
戶出見堂即移在高連山

却遣椽椽生羽翮過眼難容

掣電光若顯神通百千種刺地出泉如决腫明

德胡為恨未移

明德曰此山雖奇絕泉水枯竭我若
知師移未則必并移舊山之泉矣

聖人有時

藏妙用聊向人間示有礙細思此理真自在莫

言只是十六楹大日須彌堪納芥吾師何年極

此山一笑萬古彈指間我來記舊吟索句博得

雙鬢添詩斑

是日宿普光寺用故王書記儀留

題詩韻贈堂頭

夢斷山窗落月光
聳肩吟到日蒼涼
地溫尚有林衣綠
園古偏多木耳黃
七碗香茶風鼓腋
一盤寒菓雪侵腸
若將釋老驅鳧乙
莫斥吾家祖伯陽

十二月十九日被讒見替發州日

有作

早圖斂退偶回循
竊祿忘著果辱身
詣吏自明猶

未得無勅仰天大笑更何陳
讒人尚在誰投虎
吾道難行謾泣麟
的是前生曾有債
不須惆悵也傷神

傷神

路上有作示甥壻韓韶韶自京師至全州迎去

簿書顛倒二年強
解綬歸來夢一場
道直誰憐元似矢
鬢斑爭奈漸成霜
滿山寒雪懶回首
一路斜陽空斷腸
千里遠來深有意
為吟長句示韓湘

二十九日入廣州贈晉書記公度

偶雷微棹宦江南
其奈為州力不堪
未學舌柔

甘自責本無毫犯亦何慙完山醉夢方驚罷漢
邑歡遊又正酣賴訪名都賢管記窮愁瀉了一
燈談

發漢山路上戲作示韓韶

玉壘別後無由見春鳥呼提似有情還有一條
寬恨處鞍傍掛得典刑行有官妓小紅
粧家名壘

自嘲 入京後作

冷肩高磊落病髮短蕭疎誰使爾孤直不隨時
卷舒誣成市有虎正坐水無魚只合作農老歸
耕日荷鋤

杜門

為避人間謗議騰杜門高卧髮鬢髻初如蕩蕩
懷春女漸作寥寥結夏僧兒戲帝衣聊足樂客
未敲戶不須應窮通榮辱皆天賦斥鷃何曾羨
大鵬

得黑貓兒

細細毛淺青團團眼深綠形堪比虎兒聲已懾
家鹿承以紅絲纓餌之黃雀肉奮爪初騰蹊搖
尾漸馴服我昔恃家貧中年不汝畜象鼠恣橫
行利吻工穴屋齧齧箱中衣離離作短幅白日

鬪几案使我硯池覆我甚疾其狂欲具張湯獄
捷走不可捉遠壁空追逐自汝在吾家鼠輩已
收縮豈唯垣墉完亦保升斗蓄勸爾勿素餐勞
力殲此族

草堂與諸友生置酒取王荆公詩

韻各賦之

年來腰帶漸寬圍夢繞青山尚未歸曾被營營
未點白春寒猶恐有蠅飛

又和二首

薄寒不用妓成圍劇飲復教客倒歸罷郡閑居

君莫嗔野禽方喜出籠飛

碁戰爭雄正對圍醉鄉得路共尋歸少年習氣
猶依舊雪色蠻牋筆似飛

遊竹州萬善寺次板上諸學士詩

韻二首

寺藏青草暗路入碧蘿深谷密閑雲聚園荒極
燒侵曉風饒鐸舌夕月浸潭心好在青山色休
官欲重尋

曲澗水微咽空巖雲自迴烟輕霜練靜山煙盡
屏開黃犢馱童去青猿送客來為憐風景好下

馬更低徊

自竹州昇母攜姊將赴長安示甥
壻鄭生柔

輦母又將姊崎嶇赴上都欲封王子股頻燎李
公鬢時母姊皆有疾送淚樹鸞轉斷腸山鳥呼憑何寬
旅恨童背負芳臺

分行驛樓上次金學士黃文詩韻

雞林好事有吟詩留作多情朝暮思攪馬喧
嘶殘月曉枝禽噪集暝烟時北還南去路何
限古往今來人自悲日落水流腸斷處郵亭

無語閱興衰

題沙平院樓

瘦馬行遲路阻脩卸鞍聊復此淹留征驄滿道
初嫌鬧獨鶴號林始愛幽萬文飛橋虹繚尾千
艘列舸鷁駢頭時列舟為梁江山滿目吟難狀烟月無心
望自愁沙逐人歸何日盡水朝海去甚時休故
人不見增惆悵落日茫茫莫倚樓

慧陰院次林學士義叟詩韻

故園三逕忍教荒匹馬何之又夕陽柳色依依
風挽翠松花撲撲雨黏黃葵收鴨脚村烹好酒

漉魚涎野釀香迎侍慈顏歸洛下此遊不是費
年光

城東草堂理瓜架

手種園瓜學古侯滿畦柔蔓綠絲脩與渠萬丈
綠雲架走掛天涯始可依

次韻盧同年携酒見訪有詩

此身如繫不能飛寂寞張衡詠四思無賴夕陽
還送恨多情芳草可勝悲簷間語鶯還留客枝
上啼鶯又喚誰賴有玉川千日酒賭他賓客綴
珠詩

次韻朴上人

未除舊習猶中酒已謝浮名更外身道直自甘
人共弃情同唯有子相親繁開芍藥歌紅頰爛
熟櫻梅點絳唇多喜新詩堪咀嚼冷然洗我筆
頭塵

辛酉五月草堂端居無事理園掃
地之暇讀杜詩用成都草堂詩韻
書閑適之樂 五首

懶惰無心賦兩都况堪著論效王符緬思潘閭
三峯好且任陳蕃一室蕪小塢移花邀客者此

李才甫集一
隣有酒遣兒沽何須點檢人間事出處悲歡命
笑夫

欲歸江郡詠汀蘋尚滯京華失鬢春自踰灌畦
閑老圃皆呼傲世一高人談筵落屑空鷺客睡
榻鳴雷幾撼隣酒渴時時復底物櫻桃子熟摘
嘗新

不把余愚自污溪幽栖粗免宦途迷披襟快却
風來北隱几從教日向西世味淺深曾染指人
生得喪已忘蹄半窻林影搖森翠讀罷書頭鸞
落泥

半卷疎簾獨倚欄雨聲淙瀉劇驚滿橫雲尚自
暗千陣落日不知餘幾竿遇客只須浮大白學
仙何苦鍊還丹為言隣叟好表徃除却閑談逸
老難

古未達士貴知微田園將蕪何日歸莫問纍纍
簔若若不曾是是况非非隋車醉者只全酒把
甕丈人寧有機禦寇南華如可作吾將問道一
搢衣

又次絕句六首韻

林疎空自籟雨細不成泥
啼羽爭巢雀
申吟呌

屋雞

飯殘飢鳥喜釀熟亂蜂多小圃雨初過香蔬添

幾何

掃地林餘影鋤園樹爽根人閑如老初地僻似

山村

曲塢花迷眼深園草沒腰霞殘餘綺散雨急亂

珠跳

閃閃風搖幔微微日瀉簷蒲肥黃耳大柳弱翠

腰纖

送老唯芳酒驚人忽晚花乞茶憑岳叟看竹懶

隣家

又次新賃草屋詩韻 五首

杜門無客到黃茗與僧期荷耒且學圃歸田當
有時貧甘老去早閑厭日斜遲漸欲成衰病踈
痛不啻茲

寓興無桐孫虛心對竹君林深鴉哺子園靜鳥
呼群坐石吟移日開窗卧送雲塵喧即咫尺閑
戶不曾聞

點點塔苔紫茸茸徑草青殘生浮似夢破屋豁
於亭不省空囊倒猶嫌一日醒詩成誰復愛自

寫枕頭屏

心已知焦穀人誰射
沙老於詩世界謀却酒
生涯默笑觀時變
閑吟感物華在家堪作佛靈
運已忘家

寧為學稼老耻作出
賞郎賦食籠狙類忘機入
鳥行深藏玉自貴不採蘭
何陽獨喜童鳥輩躡
纏繞我床

雲上人將還山乞詩

空門本絕未來想
臨別何須更黯然
莫恐紅塵
隨白足洗迴還
有出山泉

賀文長老得寺

公道如今尚不隨
名藍還到一清羸
老龍得瀨
方專沈瘦鳳尋
梧始占枝山水風
流真勝地鶯
花時節是歸期
我今懽拈先未
賀不為吾師也
為時

苦雨歌 雙韻下
犯傍韻

愁霖一月如懸河
晝夜昏黑藏羲娥
已聞街巷
將蛟鼉復患
連除生蚌螺高墻
忽倒卧橐駝短
屋還頽仆馬驟
雷公揮劍刃似磨
壁間躍出陶
公拔直教平地
轉盤渦南宅東
家放鴨鵝城中

萬屋浮濤波大者如舶小如艇一國正作海中
倭擬營舡舫相經過江湖混混莫分施空舟獨
艤無漁葉蓬蒿蕭艾與綠莎時哉得意盈山阿
可惜南畝漂嘉禾其奈四海蒼生何甕中美酒
香已訛誰可酣飲令人馳箱底芳茶寶珠多不
堪烹煮駭眠魔掩被雖欵寐無叱打窻喧雷可
從他几百防人多跌蹉久矣此雨傷天和鳥藏
巢底蜂窠窠路絕車馬無鳴珂此時行者理則
邦泥沒腰脊况襪靴我幸杜門聊養病日晏而
興誰復訶率然忽作苦雨歌

七月三日作

雨久却愁天腐爛風狂猶恐嶽飛騰深泥沒脛
街成海尚有敲門一箇僧

夜霖

娟娟天上月相見間何闊好在佳人面令我心
大豁

鸚鵡

袷披藍綠背丹砂都為能言見爵羅嬌姹小兒
圓舌溢玲瓏處女惠容多慣聞人語傳聲巧新
學宮詞藻字訛牢鑠玉籠無計出隴山歸夢漸

蹠蹠

腹鼓歌戲友人獨飲

君不見豪家子，宴華屋，搗鍾擊鼓，間絲竹，城
西先生獨不然，醉後高歌，鼓大腹，是中可容數
百人，亦能貯酒三千斛，膏田得米釀醇醅，數日
微聞香馥馥，何必膳槽絞清汁，頭上取巾親自
漉，一飲輒傾如許觥，佐以宰羔或脰肉，腹為皮
鼓，手為槌，登登終日聲相續，隴西窮叟得酒以
矮屋，佞頭鶴，俛咏腹如椰子，猶未充，只見青盤
堆首著，暫盛水漿，俄復空，有如蹠蹠，氣出還自

縮邦將雷吼，飢賜聲，往和先生鼓腹太平曲

大醉走筆示東臯子

我昔在何處，笙簫宮殿有無中，鉤天廣樂夢正
酣，何人引我踏塵紅，大地不能載我足，大山不
是吾身軒，然要出六合外，六合之內，輟皆窮
茫茫丘隴不可望，今古忍埋龍虎雄，蓬萊山在
海中央，碧玉秀出知誰鏤，君先去，我當繼，何必
論天仙境，水僊宮

詠鷄

出海日猶遠，乾坤尚未明，沉酣萬眼睡，驚破一

聲鳴素食呼雌共訟雄
遇敵爭吾憐五德備莫
與叅同烹

美人怨 迴文

鴈斷啼鶯春落花紅
簇地香衾曉枕孤玉
臉雙流淚即信薄如
雲妾情搖似水長日
度與誰數却愁眉翠

同前 雙韻迴文

晴園春好花齊綻
輕吹飄空飛絮散
明鏡臨牖微步緩
英華減損紅顏換
瓊佩整腰揜玉腕
盈盈尚尚注嬌波
眼筆聲一弄哀曲
慢頰頰雙流珠

淚漫征子宕歸來
緩緩鶯語聞來
腸盡斷清西孤飛
長夜半菟楹炤月
隔來伴紫綰深愁
下緒亂情緘織錦
紅文爛行人絕迹
無鴻雁程遠恨長
天碧漫

天壽寺鍾義師方丈夜宿 二首

煙寺侵昏訪風箏
微夜聞水瓶餘冷
滴香篆有殘熏

鵲巢

月出高山迎風生
小閣虛我如棲寺
鶴來汗梵僧廬我
本賦命奇名宦歎
遲暮汝將報何喜
柘樹正

當午翩翩舍枝來鷓鴣挾鷺羽吾聞君子人禍
福任天賦鶴集不足賀鵬止不為懼而我老多
惑好怪類巫瞽况復懲久窮占瑞儻有遇見此
靈鳥極喜色見眉宇汲汲望巢成擡眼仰高樹
飲酒有作示坐客

平生我所悲今日逝成昨昨積便成昔應應今
日樂欲為後日忘今日極歡詭

燈夕入闕有感 二首

兩部笙歌清碎玉九門燈火爛分星愚儒不及
倡優輩猶著緋袍入帝庭

玉殿今宵宴侍臣十分宣勸醉淋身蛾眉班上
插花容未必純為過我人

王明妃 二首

若將一女便和隣何恨胡沙委玉人狼子貪琳
終莫歎可憐虛辱後宮嬪

廟筭難降穰悍倫反將宗女結和親漢庭無限
垂紳容不及椒房一婦身

謝文禪老惠米與綿

我家全盛時鑿甑炊香玉歎飲不下匙况肯食
脫粟雪色蜀蠶綿十斤方一掬費之不甚珍柳

絮空飄揉坐此今困窮家無擔石蓄饒口長流
涎浪撫雷鳴腹九月霜天高一夜風落木單衾
劇鐵寒身若凍蠶縮忽得一絨信贈我心所欲
晚炊寒竈中青烟始生屋披向薄衣中如負冬
日燠為感仁者心皎眼淚相續

次韻崔相國詵謝奇平章贈熨石
銅壺滴漏隔窓間暫借餘溫度夜分辟破寒威
犀尚愧暖留殘夢蝶猶欣尚餘荀令香烟惹好
倩羊公炭屑熏一片貞珉賭珠玉奇公叙謝固
宜勤

與天台两大士讀杜牧詩以詩贈之

晝卧一床上紅日射震幌有僧來扣門啄木敲
鏗響起揖攜登堂出語各清亮綠頂寒山高碧
瞳秋水爽袖出紫微詩欲與詰其疑茲詩苦深
峻諒非吾輩知譬如清江色淨淥同瑠璃傍觀
信可愛入泳迷津涯又如大厦中墻壁輝赫彤
芝栖與雲窠映日爭玲瓏利可悅壯麗內實眩
西東東西猶且眩奧室焉能窮又如霜夜寒皎月
掛水盤清光如可攬仰之不易攀我性若狂醒
於學無所精口吃語未總講詠多訛聲三謝不

得已強欲探其味昔日所未曉為君真執隨非
我能曉子子實曉吾意

沙平江上偶吟

落帆江口久踟躕俯鑑澄波默數鬚草合岸邊
纔沒鶴潮來汀際似迎鳧篙工坐識水深淺沙
戶能占風有無急覓霜鱗須盡去一雙閑鴨睡
殘盞

温上人所蓄獨畫鷺鷺圖

君不見翰林筆下曾解導心閑未去獨立沙洲傍
何人畫手得神授丹青妙意髣髴謫仙腸我初

未識畫工趣支頤倚壁私商量既馮江湖奇絕
致何不畫漁人舟子來往遊倘佯既馮鷺鷺得
意態何不畫遊魚走鱗出沒行洋洋潛思默課
始自如意盱未到於焉蔽白鷺見人處拂翼沙
頭決雨一起驚飛翔白鷺窺魚時植足葦間聳
然不動難低仰却教雪客閑放態遣作黃雀多
驚忙此意識者小吾作歌詩始翼揚

讀林椿詩

一枝丹桂雖無分百首清詩合有聲英魄如今
何處在兒童猶解說君名

除夜宿匡陸有作

神岳苦寒誰更惜

冬至祭宿
於岳苦寒

匡陵守歲自猶吟青衫

大祝人休笑每賭新詩一首迴

以徵官帶
為祝史

早春

草木含新態江山換舊頑唯餘冰谷子尚作去年顏

年類

戲作雨中小牡丹歌

春欲去萬物各悽然相將欲設饑春遙烟籠高柳展翠幙霧為祖帳張其前落花先衣錦茵鋪餘花含露涕漣漣醪醲花是餞春醴蝶釀蜂嘗

灑以雨鶯為送春歌鸞為送春舞東君大醉倒且顛是夜不去許留連夜深欲命薦枕女桃頑杏鄙無可憐唯有花王小女子年少嬌饒顏最羨此花是夜嫁東君含羞尚未開笑齒東君貪翫留數日日夕花心方嫵媚炎帝駸駸交代來東君歸意何由弭君去也花慘然紅臉至今猶帶淚

早天見灌田

嘉生未秀半焦枯但問來雲作雨無擘擘灌田真可笑千畦一滴若為濡

八月十四日詵月問客

翫月必三五當以明日期陰晴未可料問月月不知何以決猶豫問之拍問著其初得習坎四變乃之頭飲食猶可異雷水象可凝若知明日雨今夜翫何虧以此報賓友肯之無異辭未及設觴酌素娥來窺

東國李相國全集卷第十

東國李相國全集卷第十一

古律詩

六月一日遊安和寺自尋芳門登環

碧亭

穀廟遊賞處

悵然有感夜宿幢禪老

方丈書一百四十字

玉欄誰更葺芝蓋不重遊環碧雲空鑠尋芳草
正稠蓋簷款繹翻苔石卧蒼虬園鹿遊臺榭巖
僧記冕梳有老僧自言親見前朝未遊廢興餘老木今古獨寒流往
事憑誰問幽懷只自愁好花嬌笑靨啼鳥送歌
嗟舊代仙蹤遠中興王氣浮烟花愜清賞山水

入窮搜帛往孤亭寂尋真一室幽白蓮邀靖節
黃蘗引裴休桂魄三更晝松風六月秋鍾磬敲
樹外人語落巖頭萬景吟難盡他年入夢不

全履之見訪與飲大醉贈之

我家計拙酒錢空我客才高交契密貌甚閑暇
來座隅忍把清談空遣日曲我身上藍縷衣換
此一壺清且溢觥船屢倒興復酣有如狂馬泛
駕欲奔軼振搖林木我放歌倒瀉江湖君縱筆
歌雪憤兮麤聲長筆洩怒兮猛勢逸何者是賢
愚何者是得失得者未必賢麀頭鼠目翔貴秩

失者未必愚瑰意琦行插蓬華吾儕齷齪何足
言如子雄豪取爵不可必神龍未起連龍昇左
道乘時直道黜與子論平生昔鬱膈醉後盡
嘔出撫劔起舞坐更飲一杯一杯聊復一

甘露寺

金碧樓臺似翳翬青山環遶水重圍霜華炤日
添秋露海氣干雲散夕霏鴻鴈偶成文字去鷺
鷺自作畫圖飛微風不起江如鏡路上行人對
影歸

次韻文長老未開金錢花

早夏移根用意裁尚舍檀口待誰開千金欲買
嬌顏笑自負錢多不肯迴

書文長老月傾扇

薄雲斜蹙手中橫金粉微含雪暈輕想得共工
觸山後天佞西北月輪傾

贈文長老

暫趨十二街中路長憶三千里外山文公有長
往之志莫學閑
雲空返岫好將膏雨澤人間

訪覺月師用東坡詩韻各賦

步步行隨入谷雲自然幽洞辟紅塵已將蚊雀

觀鐘釜曾把頰吟戲措紳俯仰歸來推幻化死
生得喪在天鈞多師雪裏猶餘酒借與山中一
日春

明日師挽留迫事幹固還書一絕

高人高卧愛身閑閑掛枯藤不出山愧我翻如
巖下水迴斜縈屈到人間

十月五日陳準見訪留宿置酒用

蘓軾詩各賦

端坐蕭然肖衲僧愛君閑話更挑燈人呼白日
無雙客身到青雲第幾層况有新詩清似玉解

教塵眼冷於冰少年氣逸應欺我沈約衣寬漸不勝

後數日陳君見和復次韻答之

冷淡生涯狀較僧羨君豪眼慣饑燈醉携紅袖
香生座冷罷瓊樓月上層賀得茂松偏是相映
未潤玉必須冰陳未娶故云過門忍促朝天馬空望青
雲悵莫勝陳時為內侍將赴關過門不入

不招碁伴即詩僧斷送長宵只一燈讓蝶雪微
猶解舞學峯雲淡不成層瓶舍何恨啼爐火筆
惜餘尖怯硯冰賴有珠璣落窮巷爛盈襟袖重

數勝

陳君復和又次韻贈之

朝退時時愛訪僧又逢閑客共碁燈尋山雨帽
低沉角趁闊風纓堅作層湘溪飲傾杯面玉蜀
棧吟漆案頭冰九原可作如相較李杜於君芝
孰勝

憂喜忘來似定僧任他金粟巧排燈琳條蔭地
強千丈玉隴通天僅萬層皆黃庭養生事睡美功夫深巷
雨夜寒消息一瓶冰卜商肥瘦君何問已覺紛
華戰不勝

文長老見和多至九省每篇比日警
策遲鈍勉強備數奉賡耳

十載西堂擁笥僧普濟西堂禪子所聚古山歸夢一窻燈幾
千可使容鵬背笏五須看占鵲層文未得寺故去蟾吐素光
窻有暈龍嗥白氣并無冰叢林劫敵知多少杭
舌乘流一鼓勝

攪了黃梅七百僧劫未無語對龕燈閑書蒲案
風開帙高塔摩空月倒層銀葉燒昏朝有火石
鐺留滴夜生冰莫貪黃獨輕泥詔一紙銀鈎懶
尚勝

咳咳獨笑一閑僧此是香巖老龍衣燈心地自涵無

盡巖道天曾上最高層月松白好人脣膾師嘗題

去路長門外人南北松老出邊月古今景警策自是人字自松和尚雨竹篇靖 御眼冰上召師赴內使賦塞雨竹詩差夏不

壑填滓功不淺趙州伎倆有誰勝

語帶天仙不帶僧到頭吟盡幾番燈冷聽秋雨

芭蕉響紅賞春風躑躅層未必老禪工鍊玉只

綵清質本如冰友即况有降魔手移作詩鳴世

孰勝

一片心轉面壁僧歸未燃却百千燈立從白雪
腰侵冷痛覺神峯頂聳層道境漸佳如啖蔗家

風長爽似懷冰何人好事貽霜塵崔宗慈贈塵尾從此談
鋒漸未勝

珍重能文江右僧相逢無處不添燈禪河容我
曾分滴詩壘因君更築層倚檻共吟穿戶月問
山同過鑠溪水憑師若許參蓮社汲水肩新力
足勝

懶拈茶品闢吳僧愛把清樽醉鳳燈手盞未調
金露液骨昏難躡玉臺層計乖南鴈寧違雪身
似東蠶已慣冰粗報君恩便歸去覓癡群謔
可能勝

綠綺何須清蜀僧白彈幽韻伴青燈壯心不復
虹千丈平地無端浪百層故國夢歸穿碧岫殘
宵酒渴爵渾冰片時未見曹溪老雅興閑懷兩
未勝

寂寞如今學老僧繁華曾閱馬行燈題詩舊習
言餘綺作是遺痕骨露層潘岳年未雙鬢雪三
沉門吟一身冰腰黃未必皆豪傑百擲擗蒲偶
一勝

尹同年儀見和復次韻贈之

啖来夜芋證衡僧看打春毬記月燈仙墨未乾

丹桂籍天香行染博山層到頭蒼手晴飛雲
餘事琴聲冷軋水君學趨日携遊償得不數年
離恨不堪勝

自覺勞生豈待僧都官病眼漸嫌燈醉中
堪嚴陣夢裏天階尚阻層白鳳落毛飄袂雪老
鮫泣蒲鬢冰馬韓遺憤君何問巧舌那將宜

道勝子自全世被
護見罷故云

夜宿陳華家大醉書壁上

班生古者史之雄筆頭不駮陳孟公當時豪焰
摩青空酒酣使氣飛長虹閉門留客投轄醉一

樽不領人間事子雲鉅儒好文字陳說酒客與
法士空瓶獨在井之眉腹盛水漿何所為搗八
井中誰復悲滑稽可愛唯鴟夷陳公差樂張竦
苦醉亦何害醒何補百世之孫君獨步坐酌東
海自吞吐醉中不覺升青天一聲踏碎瑠璃甌
寅緣漸到紫皇前霞冠玉弁風吹顛是時周公
孔丘皆在後相者彈指復又手皆言子昂李白
上到天仙今已久詩之鳴者復誰有子可嗣唱
何遽離人生遣之復還補以陳公大白之心精
所以鐘其靈宵襟五歲日益泓而清君不見高樓

雖百層正合著陳登如我卧地猶難勝

陳君見和復次韻答之

陳郎年少氣尤雄指麾電母鞭雷公斗膽可吸
江湖空有如跨天萬里飲海之長虹金鐘行酒
日日醉吟詩作賦渾閑事袖携聯珠數百字扣
門為訪狂居士居士老矣霜欺眉造物以我將
安為一生獨把窮途悲他人脚底大行巫峽猶
平夷鍊一土色空自苦天固不缺何所補子亦
於吾何異笑百步雖側金門滿腹琅玕猶未吐
相逢共幕劉伶天醉倒况有支頭輒是時白雪

舞簷前輕薄柳絮飛狂顛箇中風流不落李杜
後洒翰飛文皆老手莫詞促席留連久此會人
間信難有諸公舉酒屬先生共導先生曾中何
物以為精自君之生天不聖地不靈山失其秀
水失清宦路高高千萬層期君穩穩上頭登蒼
生重望非子復誰勝

陳君復和次韻贈之并序

某近承盛作多矣近體短章誠清警
絕妙唯未識長篇巨韻中縱筆放肆
處故以長篇試之今蒙所和新篇辭

語奔放固在天地六合之外甚嘆甚
嘆更何言哉

風騷壇上吞群雄一出奇語驚人泣鬼倒天公
靈玉雖藏氣射空我恐騰精掣影上天化作五
色虹讀之冷然洗我醉擬刻青瑤傳好事君詩
不獨騁文字意欲使我酣歌痛飲不作酸寒士
謂言人生戚戚不展眉安用男兒為東流之水
不須悲直到崑崙頂上倒瀉河浪囚馮夷作詩
何用蟲吟苦他年文苑傳半紙書名又曷補君
起舞月隨步口可飲酒是非戚否何曾吐我全

行山亦關天碎擊僅免青兕自金舟罷來舊交零落

過眼前邇來獨坐誰與放狂顛晚識即君一笑
論心後是處相携惜分手人間尙東不堪久安
得作神遊八極大鵬與希有箇兒東方生豈是
帝臣乃是天上歲星精千年一寶蟠桃靈笑履
東海何異褰裳涉淺清君不見蓬萊宮闕高層
層非有仙骨無由登金丹未就悵望情何勝

尹同年儀陳同年是陳澤見訪用

劉賓客詩韻各賦

二年蓬轉久離根邂逅寒暄只一言邀醉散仙

天是暮鐘留歸客雪為門數篇詩句閑中迫一
肩碁聲靜裡喧到處逢場即仙境九霞觴蒲草
輕翻

明日尹君復見和次韻寄荅

草堂蕭洒斗城根閑把南華獨寓言誰謂幽居
如避世有時高駕或敲門觀碁遺迹衣庄斂省
酒奇功語減喧可恠先生多事在通夫禪話似

瀾翻尹君好禪談

伯陽仙李本靈根關尹逢來為吐言鼻祖昔曾
相契意雲孫今喜復同門嬰兒氣秘三關回幻

婦詞高萬口喧相子形容真貴表會吟紅藥滿
階翻

韓生詔赴禮部試不捷以詩慰之

英英文公百世孫文字超放謝吟陌鱗窮暫縮
蹄岑卑足遠寧循蟻封窄軒騰不合時人容射
策金門頻點額假教掖臂一不中誰謂終無飲
羽石不須勤戴千佛名知爾須登列仙籍請看
今歲伏頭郎飲墨當年點吻客為君欲作打盹
瞌眼無新釀春水碧

謙師方丈觀柳紳乞米書書其後柳書

子是誠懸孫字法風熏習謂君繼家聲立朝冠
岌岌待書清燕間文彩敷擘擘乃及學真卿而
作乞米帖食粥雖六窮魯公猶可襲

奇尚書退食齋用東坡韻賦一絕
獵獵風輕細雨斜春工催却一番花宅邊唯種
陶潛柳不似人間富貴家

飲奇尚書水亭有妓偶來李學士純
祐作詩子亦奉和公以上將軍兼尚書
學士毫端鸞鳳舞將軍麾下虎熊趨朱門氣味
今方識國色追陪不待呼

與梁丈國峻園碁見輸梁以詩誇

之次韻

幸是春天日正逢直須快戰決雄雌捷來雖負
無雙手敗去寧忘借一期欲放王逢橫野火莫
成到梁人姓漑梁人姓兀風推問君已辦降旗不與寶秦
師雪恥時

梁丈見和復答

多為飛鴻著意遲故應暫作局中雌死灰必有
重燃日困獸猶懷肯闔期敗勢須知迎刃解憤
心應費仰天椎金溝清泚雖無分好約蕭蕭夜

雨時

四季花三首

臘梅秋菊巧侵寒，輕薄春紅已莫干。及見此花專四序，一時偏艷不堪看。好許千花伴，爾榮一春歸。後可堪爭吳姬，楚艷紛紛散。歲久方知靜女情，松真竹悍小柔姿。跨涉炎寒也自宜，爾與春紅同一樣。如何猶到雪霜時。

訪通首座劇飲走筆

青山似故人，相逢即開眉。羨酒如新婦，相對不

知疲。我昔欲訪來期，以芳菲時春光不我負。春日為我遲，是時不劇飲。不若孤其期，此語方未既。師已罄傾危，前言特戲耳。於此豎降旗。

嘲折足鐘

我家有一鐘，久在前熬裏。去年折一足，今年折一趾。唯留一腳存，遇物好憑倚。獻玉見再別，我昔聞和氏。衛足不如葵，又聞鮑莊子。嗟爾本何由，致此大蹇。蹄家無金鼎，用爐炭未放。爾支持備炮烹，往往覆鹽鼓。冶公固吾欺，是豈汝之恥。

李清卿見訪小酌用劉禹錫詩韻

同賦

詩格高於柳柳州青衫曾見幕中收君往年為討賊
其馬書記故去官
班猶阻陪龍尾檄手徒勞守鹿頭三載別來頭
半白一樽相對淚空流憑君且莫惺惺去幸是
黃花泛酒秋

觀晉生公度理園取東坡詩韻贈

晉生子之妻兄
時同在一家

東風吹散一霎雨濕烟低惹尋春塢隴西狂客
老更癡傭奴販婦猶欺侮醉影鬢鬢慵不梳南
窓尸寢朝侵午邇來謝絕舊交遊獨許里翁相

爾汝善機幾變自開落黃粟留鳴濼驚舞鳴鳴
只樂鼓缶歌桴何須抱甕苦自言天地一逆
旅况此屋廬誰是主東園草沒不曾開翳葉春
紅難媚媼羨君獨慕古園公護竹養花頻擁土
種瓜豈必邵東陵學稼昔為樊老圃手栽桃李
摠成陰覆屋依墻迷處所盜酒從教比舍郎投
梭任却隣家女清明散步綠莎中笑我詩窓鶴
頭倚呼來共酌數回杯手摘香蔬親自煮酒酣
呼呌聲喧喧枝上閑禽驚醉語紛吾落魄無人
知口自呼名如杜宇退藏始得幽居味飽食醉

歌捫腹鼓從君俯仰差可樂何必孤高學巢許
免使韋郎憶張老空訪天壇路脩阻韋義方之妻兄
張老灌園親戚
恥之張與妻往天壇山義方訪之真神
仙之府後復訪之千山萬水無復有路願君理園繼庾翼得
印寧非天所予

同晉生遊九品寺次韻穎僧統壁
上所留詩書其後

穎老雲情早出塵坐教飛閣咄嗟新穎公重
創此寺偶者
古壁留題句想對當時見在身山月盈虧空晦
朔巖花開落自秋春閣梨莫患無重構祝我餘
年得倒椿

寄西京妓真珠

國色詩名世盡知無由會面浪相思一言堪喜
還堪恨誤把文章當奕碁真珠云願一主見詩人李季某
國碁碁從設字一作輕

五月六日飲雞林子家

竹間團玉扇花下酌瓊觴醉覺乾坤窄閑知日
月長摘嘗櫻子爛折挿槿枝芳不有君家在何
時笑一場

題任君景謨寢屏六詠與尹同年
等數子同賦

列子御風

從來道境尚遺身何必乘虛始自神若向風頭
尋德冠滿空飛鳥亦真人

陶潛漉酒

漉則為菊戴則巾箇中分別任他人不妨頭上
餘痕在已是予生著酒身

子猷訪戴

訪人情味雪溪中若便相逢一笑空莫道興闌
迴去掉造門直返意無窮

右軍換鵝

費盡溪藤始掃殘蒲籠剛換白鵝還不如癡姥

烹相待破却山陰一段煙

華亭船子和尚

夜寒江冷得魚遲棹却空船去若飛千古清光
猶不減亦無明月載將歸

潘闌向三峯

閩仙若也愛三華一望嵯峨已足多倒正騎驢
何更問詩人好事亦云夸

陪崔相國詵飲季嗣即中水亭相國

曾有詩命予即席奉和

解綬道遥一草亭時相國致仕坐榮三子盡紆青壺天

側畔千機息潭鏡中央萬象形白露先秋凝
砌寒槩當夏凍銀瓶問公昔日黃扉樂能及風
軒與月標

依韻奉和崔平章謹致仕閑適

丹心白髮帝王師閑夢時時到紫微馬識懸車
方退伏鳥知分飯不驚飛眼前二子紆朱綬膝
下諸孫弄絲衣賴有樂天遺頌在有時吟味益

忘機

公愛白公布衣頌
日夕吟味故云

閔懷珠蓄斑竹笛請予賦之

九寡珥為琴上羽欲教哀怨惱人魂一省此笛

先淒咽為有湘妃恨淚痕

謝崔天院宗藩惠羊羝饋病母

舊聞至孝天可動紅鱗躍冰筭生凍我有孀親
鶴髮垂晨昏甘旨猶難奉病肢沾床僅一春病
中嗜好日千種鮮羹膾何足數下筋未終還
欲吐今朝辦膳問巫安却厭邾莒要齊魯雲奔
電走覓四方倉卒難邀髻主簿欲呼元放急捉
致屈膝老羝那忍視讀書曾恨多歧三學道何
由叱石起千搜萬索竟難獲環顧空期慕羶蟻
崔公真是純孝人愛親欲及人之親遺之一羝

燕土著絕勝熊掌與狴脣八手紅肌隨刃落券
韜兼敵龜頭春因知愛我情義篤薦擢行將五
穀贖從此平生免角羸但嗟流景如脚熟作章
欲謝先自愁錯寫躡鴟資捧腹

過松林縣

露積崇困馴鳥雀刈殘遺穗付牛羊路逢村叟
聞佳語今歲誰家不酒香

留題惠元寺

城中望北嶺一髮雲外挿杳然飛鳥背誰謂著
脚躡可憐一箇身已度碧之疊高樓出樹抄勢

若飛來鶴道人出門迎霞襯半肩衲步惜紫苔
破笑憐空谷咎咎件件清景多一一似可拾秋光
濃欲滴山氣鬱相襲異石或千鱗奇松皆七鬣
剝木作飛溝遠與泉脉接解教他山水繚繞走
自及大勝倒瓶斟何煩把甕汲上有聖僧居華
構高岌峩危階挾兩崖七十有三級未登頭已
旋已陔心彌警道人隨我來身快猿猱捷如行
氈毳中舉足輕躑躅相將禮真容雙手蓮花合
竭來卧匡床窓樹風颺颯穹豐一蒼巖鼈伏堂
之脊中虛容幾人大或屋許立僧言此一穴伊

昔盡口狹有僧曰惠元於此修白業後輩競鑿
開復以廣極集雲屏任舒卷石戶能開闔嗟我
本狂直世味俗相滋不如早歸來得此幽興愜
學道師應癯遺形我方熱塊然兩槁木相對度
小劫

七月三日聞雲梯縣爲大水所漂

并序

雲梯迺予前所理完山之屬郡也縣
在巖谷間山之高險甲於他郡又非
濱河枕海而居者霖雨一夕山裂水

湧盡漂一郡吏民物故不可勝數攀
樹而活者纔十之二三也完山舊吏
來謁予具言本末且曰此郡舊未嘗
有此害今而有之此何祥耶予惻然
感嘆爲詩以哀之

漢興三十年河決酸棗地後至元光間又決於
瓠子鬻棄已漂浮東注傾淮泗長筴與石留只
自煩民耳此雖古所嗟亦坐居河涘我曾見雲
梯正在巖石裏山有百仞高泥濘所不至傍無
一丈川大水何從起設有滔天災依山尚可避

况復今年雨平地僅尺咫瀕江八九郡亦無一戶
奔云何此山郡乃反化鱸鮓初聞赤之信私心謂
非是今朝逢蒼吏本末得細味非水能懷山山
吐不測水譬如立屋瓦下注勢難止豈無最高巔
可接飛鳥翅水既從山來攀緣路何自唯有古
樹枝其高頗可恃捷者最先登杳似猿掛臂惰
者升未能呀喘雜睇眙何况羸與弱萍泛隨瀾
瀾觸石或卷磨隨槎或彼此雨歇浪復乾如麻
那忍視其間猾吏輩雄鷲固其理平生幾侵漁
瘠民以肥已愚民本何辜未識皇天意大禹不

復生老眼空法淚

詠鴈

故人千里訊音疎只待霜天鴈到初鳥亦隨時
情意薄唯嫌翅重不將書

自安和寺辭迴

漣漪亭上醉淋灰石路崎嶇犯夜來一隻閑身
曾獨徃月明還作兩人迴

九月苦雨

淫雨注如河人將化魚鮓九街堪掛帆舟楫宜
可備門外浩漫漫比隣即千里南牆已曾倒西

北亦幾地漏屋百難防持傘夜不寐妻兒苦無
知怨咨聲不已予曰天之為你輩乃敢爾但恐
霜降節胡為雨如此天意固難知拜乞小晴耳
之上人乞詩
才浮東海又汾淮更向京都得得迴自說乾坤
真曠坦孤雲無繫去還來

擁爐有感

人莫逃陰陽天地所役使或令賤且窮或使富
而貴既閑造物手無怨亦無喜此火石所化此
爐鐵所遂火滅則縮身火炎身復伸區區火有

無縮伸不由人既莫避天數甘作天之民又為
物所制此身安可珍水火不焦濡然後身迺真

偶吟

世間人欲苦難量百歲何曾稱爾情若使千年
方得死千年閱了又求生

遊靈通寺

線路縈紆接翠微不煩問寺逐僧歸到山才聽
清溪響春破人間百是非

醉題山寺壁

醉後喜題詩一字僅盈尺此壁有何辜今日逢

我厄

與兕輩行園中

不履芳園久今朝信步遲
花分先後發樹詰舊
新移凡草莫教長芳蘭
幸自滋物名詩足記兕
爾奉毫隨

東國李相國全集卷第十一

